



An Bhruiséil, 9 Márta 2018
(OR. en)

6933/18

**Comhad Idirinstitiúideach:
2016/0400 (COD)**

LIMITE

INST 97	CHIMIE 11
JUR 110	AGRILEG 38
CODEC 344	IND 72
CLIMA 46	COMPET 144
TELECOM 62	MAP 4
DEVGEN 31	POLARM 1
EMPL 97	COARM 84
SOC 133	CSDP/PSDC 122
ENER 98	CFSP/PESC 232
ENV 165	CONSOM 62
STATIS 15	SAN 81
ECOFIN 224	JUSTCIV 57
DRS 14	AVIATION 46
EF 68	TRANS 103
MI 159	MAR 32
ENT 43	UD 47

NÓTA MAIDIR LE MÍR "I/A"

ó:	An Uachtaránacht
chuig:	Coiste na mBuanionadaithe (Cuid 2)/An Chomhairle
Uimh. an doic. roimhe seo:	ST 5623/17; ST 5623/17 ADD 1 REV1
Uimh. an doic. ón gCoim.:	COM (2016) 799 FINAL ; COM(2016) 799 FINAL/2
Ábhar:	Togra le haghaidh Rialachán ó Pharlaimint na hEorpa agus ón gComhairle lena ndéantar roinnt gníomhartha dlíthiúla lena ndéantar foráil maidir le húsáid an nós imeachta rialúcháin lena ngabhann grinnscrúdú a oiriúnú d'Airteagal 290 agus d'Airteagal 291 den Chonradh ar Fheidhmiú an Aontais Eorpaigh - Cur chuige ginearálta páirteach

1. Ar an 14 Nollaig 2016, ghlac an Chomhairle Togra le haghaidh Rialachán ó Pharlaimint na hEorpa agus ón gComhairle lena ndéantar roinnt gníomhartha dlíthiúla lena ndéantar foráil maidir le húsáid an nós imeachta rialúcháin lena ngabhann grinnscrúdú a oiriúnú d'Airteagal 290 agus Airteagal 291 den Chonradh ar Fheidhmiú an Aontais Eorpaigh - COM(2016) 799 final¹, arna cheartú dá éis sin mar COM(2016) 799 final/2.
2. Sannadh an mionscrúdú ar an togra don mheitheal sin de chuid Chairde na hUachtaránachta ("Oiriúnú NIRG") lena mbaineann i gcomhréir le sainordú, a d'fhormhuinigh Coreper².
3. Sa tréimhse idir an 20 Márta 2017 agus an 26 Feabhra 2018, bhí 12 chruinniú ag Meitheal Chairde na hUachtaránachta inar críochnaíodh an mionscrúdú ar an togra. Áiríodh leis an scrúdú na céimeanna seo a leanas i ndáil le gach roinn d'Iarscríbhinn I a ghabhann leis an togra agus i ndáil leis an mbrollach agus téacs na dtéarmaí achtacháin: pléítí a rinneadh ar leibhéal na Meithle, athdhréachtú ar an togra ón Uachtaránacht de dhroim thoradh na bpléítí sin, agus, ar deireadh formhuiniú sealadach den athdhréachtú ar leibhéal na Meithle. Dá thoradh sin, bunaíodh téacs a léiríonn tacaíocht ó thoscaireachtaí de chuid Mheitheal Chairde na hUachtaránachta.
4. San Iarscríbhinn a ghabhann leis an nóta seo, tá brollach agus téarmaí achtacháin an togra athdhréachtaithe ón gCoimisiún. Na ranna d'Iarscríbhinn I a ghabhann leis an togra ón gCoimisiún, tá siad curtha i láthair i bhfoirm aguisín a ghabhann leis an nóta seo agus iad aicmithe de réir mar a pléadh iad agus athbhreithniú déanta ag Meitheal Chairde na hUachtaránachta ar an athdhréachtú sin.
5. Maidir leis an marcáil a úsáidtear, tá na hathruithe go léir ina bhfuil téacs nua a cuireadh isteach sa togra ón gCoimisiún i **gcló trom** agus léirítear na hathruithe uile ina bhfuil téacs a scriosadh sa togra ón gCoimisiún le [...].

¹ Ar an dáta céanna, ghlac an Chomhairle Togra le haghaidh Rialachán ó Pharlaimint na hEorpa agus ón gComhairle lena ndéantar roinnt gníomhartha dlíthiúla i réimse an cheartais lena ndéantar foráil maidir le húsáid an nós imeachta rialúcháin lena ngabhann grinnscrúdú a oiriúnú d'Airteagal 290 den Chonradh ar Fheidhmiú an Aontais Eorpaigh - COM(2016) 798 final. Cuirtear nóta I/A a thíolacadh go comhuaineach mar ST 6932/18 d'fhonn teacht ar chur chuige ginearálta páirteach maidir leis an togra.

² ST 5707/17.

Gníomhartha ar thoiligh Meitheal Chairde na hUachtaránachta a bhaint as an togra ón gCoimisiún, is de réir uimhreach a chuirtear i láthair iad in Iarscríbhinn I a ghabhann leis an togra ón gCoimisiún, idir [...].

Maidir le roinnt gníomhartha, d'iarr Meitheal Chairde na hUachtaránachta an t-idirphlé breise a chur ar athló. Is de réir uimhreach a chuirtear na gníomhartha sin in iúl in Iarscríbhinn I a ghabhann leis an togra ón gCoimisiún, maille lena dteideal, agus an téacs leasaitheach atá beartaithe idir [...]. Beidh an méid sin faoi réir a phléite ag Meitheal Chairde na hUachtaránachta níos déanaí ag brath ar an athrú atá déanta ar thograí eile a bheidh ag teacht ón gCoimisiún nó atá faoi chaibidil ag an gCoimisiún. Dá bhrí sin, níl na hachtanna sin in Iarscríbhinn I a ghabhann leis an togra ón gCoimisiún, ar cuireadh an t-idirphlé breise ar athló, cumhdaithe leis an gcur chuige ginearálta páirteach seo agus cuirfear iad faoi bhráid Coreper agus na Comhairle ag tráth níos déanaí.

6. Tá an Rialachán atá á mholadh faoi réir an ghnáthnós imeachta reachtaigh. Ar an 7 Feabhra 2018, d'fhormheas Parlaimint na hEorpa cinneadh Choiste um Ghnóthaí Dlíthiúla tús a chur le cruinnithe tríthaobhacha ar an togra.

7. Ghlac Coiste Eorpach na Réigiún agus Coiste Eacnamaíoch agus Sóisialta na hEorpa a dtuairimí faoina tograí ar an 10 Nollaig 2017 agus ar an 1 Meitheamh 2017 faoi seach. Anuas air sin, chuathas i gcomhairle freisin leis an mBanc Ceannais Eorpach maidir leis an togra agus thíolaic sé a fhreagra ar an 24 Aibreán 2017.

8. I bhfianaise an mhéid sin thuas, is mian leis an Uachtaránacht an togra, mar atá san Iarscríbhinn agus san aguisín a ghabhann leis an nóta seo, a chur faoi bhráid Coreper agus na Comhairle d'fhonn teacht ar chur chuige ginearálta páirteach maidir le dul i mbun cruinnithe tríthaobhacha.

2016/0400 (COD)

Togra le haghaidh

RIALACHÁIN Ó PHARLAIMINT NA hEORPA AGUS ÓN gCOMHAIRLE

lena ndéantar roinnt gníomhartha dlíthiúla lena ndéantar foráil maidir le húsáid an nós imeachta rialúcháin lena ngabhann grinnscrúdú a oiriúnú d'Airteagal 290 agus d'Airteagal 291 den Chonradh ar Fheidhmiú an Aontais Eorpaigh

(Téacs atá ábhartha maidir le LEE)

TÁ PARLAIMINT NA hEORPA AGUS COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh, agus go háirithe Airteagail 33, 43(2), 53(1), 62, 64(2), 91, 100(2), 114, 153(2)(b), 168(4)(a), 168(4)(b), 172, 192(1), 207 agus 214(3) agus 338(1) de,

Ag féachaint don togra ón gCoimisiún Eorpach,

Tar éis dóibh an dréachtghníomh reachtach a chur chuig na parlaimintí náisiúnta,

Ag féachaint don tuairim ó Choiste Eacnamaíoch agus Sóisialta na hEorpa³,

Ag féachaint don tuairim ó Choiste na Réigiún⁴,

Ag gníomhú dóibh i gcomhréir leis an ngnáthnós imeachta reachtach,

³ IO C , , lch. .

⁴ IO C , , lch. .

De bharr an méid seo a leanas:

- (1) Tugadh isteach le Conradh Liospóin idirdhealú idir na cumhachtaí arna dtarmligeán chuig an gCoimisiún chun gníomhartha neamhreachta a bhfuil feidhm ghinearálta leo a ghlacadh chun eilimintí neamhriachtanacha áirithe de ghníomh reachtach a fhorlíonadh nó a leasú (gníomhartha tarmligthe), agus na cumhachtaí arna dtabhairt don Choimisiún chun gníomhartha a ghlacadh chun coinníollacha aonfhoirmeacha a áirithiú maidir le gníomhartha de chuid an Aontais atá ceangailteach ó thaobh dlí a chur chun feidhme (dlíthe cur chun feidhme).
- (2) Na bearta a fhéadfar a chumhdach le [...] **tabhairt** na gcumhachtaí, dá dtagraítear in Airteagal 290(1) **nó in Airteagal 291(2)** den Chonradh ar Fheidhmiú an Aontais Eorpaigh (CFAE), comhfhreagraíonn siad [...] dóibh sin a chumhdaítear leis an nós imeachta rialúcháin lena ngabhann grinnscrúdú a bunaíodh le hAirteagal 5a de Chinneadh 1999/468/CE ón gComhairle.
- (3) Maidir le tograí a rinneadh roimhe seo i dtaobh na reachtaíochta lena dtagraítear don nós imeachta rialúcháin lena ngabhann grinnscrúdú a ailíniú leis an gcreat reachtach a tugadh isteach le Conradh Liospóin⁵, tarraingíodh siar iad⁶ mar thoradh ar an stad san idirbheartaíocht idirinstiúideach.
- (4) Ina dhiaidh sin, i gComhaontú Idirinstiúideach an 13 Aibreán 2016 maidir le Reachtóireacht Níos Fearr⁷, tháinig Parlaimint na hEorpa, an Chomhairle agus an Coimisiún ar chomhaontú maidir le creat nua le haghaidh gníomhartha tarmligthe agus d'aithin siad go raibh gá leis an reachtaíocht atá ann cheana a ailíniú leis an gcreat reachtach a tugadh isteach le Conradh Liospóin. D'aontaigh siad, go háirithe, faoin ngá atá le hardtosaíocht a thabhairt d'ailíniú pras ar na gníomhartha bunúsacha uile atá fós ag tagairt don nós imeachta rialúcháin lena ngabhann grinnscrúdú. Gheall an Coimisiún go n-ullmhódh sé togra le haghaidh an ailínithe sin faoi dheireadh 2016.
- (5) Comhlíonann formhór na gcumhachtuithe sna gníomhartha bunúsacha lena ndéantar foráil maidir le húsáid an nós imeachta rialúcháin lena ngabhann grinnscrúdú, comhlíonann siad na critéir in Airteagal 290(1) CFAE agus ba cheart iad a oiriúnú don fhoráil sin.
- (6) Comhlíonann cumhachtuithe eile sna gníomhartha bunúsacha lena ndéantar foráil maidir le húsáid an nós imeachta rialúcháin lena ngabhann grinnscrúdú, comhlíonann siad na critéir in Airteagal 291(2) CFAE agus ba cheart iad a chur in oiriúint don fhoráil sin.
- (7) I gcás ina dtabharfar cumhachtaí cur chun feidhme don Choimisiún, ba cheart na cumhachtaí sin a fheidhmiú i gcomhréir le Rialachán (AE) Uimh. 182/2011 ó Pharlaimint na hEorpa agus ón gComhairle⁸.

⁵ COM(2013) 451 final, COM(2013) 452 final agus COM(2013) 751 final

⁶ (2015/C 80/08), IO C 80, 7.02.2015, lch. 17.

⁷ IO L 123, 12.5.2016, lch. 1.

⁸ Rialachán (AE) Uimh. 182/2011 ó Pharlaimint na hEorpa agus ón gComhairle an 16 Feabhra 2011 lena leagtar síos na rialacha agus na prionsabail ghinearálta a bhaineann leis na sásraí maidir le rialú ag na Ballstáit ar fheidhmiú cumhachtaí cur chun feidhme ag an gCoimisiún (IO L 55, 28.2.2011, lch. 13).

- (8) I gcás [...] **roinnt** de na gníomhartha bunúsacha lena ndéantar foráil faoi láthair maidir le húsáid an nós imeachta rialúcháin lena ngabhann grinnscrúdú [...] ba cheart [...] iad a scriosadh.
- (9) Níor cheart go ndéanfaidh an Rialachán seo difear do nósanna imeachta atá ar feitheamh, ar chuir an coiste in iúl cheana féin a thuairim ina leith i gcomhréir le hAirteagal 5a de Chinneadh 1999/468/CE roimh theacht i bhfeidhm an Rialacháin seo.
- (10) Ós rud é gur le nósanna imeachta ar leibhéal an Aontais, agus ar an leibhéal sin amháin, a bhaineann na hoiriúnuithe agus na leasuithe atá le déanamh, ní gá, i gcás treoracha, go ndéanfaidh na Ballstáit iad a thrasú.
- (11) Ba cheart, dá bhrí sin, na gníomhartha lena mbaineann a leasú dá réir.

TAR ÉIS AN RIALACHÁN SEO A GHLACADH:

Airteagal 1

Leasaítear na gníomhartha a liostaítear san Iarscríbhinn mar a leagtar amach inti iad.

Airteagal 2

Ní dhéanfaidh an Rialachán seo difear do nósanna imeachta atá ar feitheamh, ar chuir coiste cheana féin a thuairim ina leith i gcomhréir le hAirteagal 5a de Chinneadh 1999/468/CE.

Airteagal 3

Tiocfaidh an Rialachán seo i bhfeidhm an lá tar éis lá a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil,

Thar ceann Pharlaimint na hEorpa
An tUachtarán

Thar ceann na Comhairle
An tUachtarán